

## **SWISS TXT: dal provider da teletext al purschider da servetschs multimedials**

*Bienna, ils 30-08-2016. SWISS TXT è sa posiziunà da nov l'entschatta dal 2016 e porscha ad interpresas ed a Radio e Televisiun Svizra cussegliaziuns e soluziuns per medias digitalas, video-streaming ed access services.*

### **In avegnir enragischà**

La dumonda da soluziuns medialas digitalas è vinavant gronda. Era SWISS TXT sco provider da teletext d'enfin ussa ha stuì s'occupar cun la revoluziun digitala. Il teletext disponibel durant decennis sin l'apparat da televisiun classic è vegnì transferì cun success sin smartphones e laptops. Grazia a questa experientscha da la transformaziun digitala sco er entras numerus svilups e projects multimedials ha SWISS TXT pudì s'establiir durant plirs onns sco purschider per medias digitalas da la SRG SSR.

### **Purschider per medias digitalas e servetschs**

Per ils emetturs da televisiun SRF, RTS ed RSI ha SWISS TXT realisà in portal da video online a chaschun dals gieus olimpics a Rio e dal Campiunadi europeic da ballape da l'UEFA en Frantscha. Quest portal ha cumpiglià web-tv en furma da video-streaming (live u disponibel da tuttas uras) sco er applicaziuns da resultats cun plans dals gieus, tabellas, puncts culminants e statisticas. Ils aspectaturs han ultra da quai chattà cuntegns complementars era sin SRF+, RTS+ e RSI+, la purschida da smart tv da la SSR sviluppada da SWISS TXT. Era la Fundaziun J.S. Bach da S. Gagl offera da nov tut ils concerts da cantatas a ses fans en tut il mund sco videos on demand disponibels online e cunter pajament.

Tut las applicaziuns multimedialas vegnan messas a disposiziun sin in'atgna cloud ed ils cuntegns èn telechargiabels via l'infrastructura CDN interna. Er il provider da servetsch complet Quickline AG offera a ses clients da la rait da cabel la purschida da replay grazia a ses indriz da video-storage da gronda capaciad.

Il 2015 èn var 50% da las emissiuns derasadas da la SSR vegnidas suttituladas da SWISS TXT. Ultra dals sottitels porscha SWISS TXT er audiodescripziuns ed adattaziuns da la lingua che permettàn ad umans cun impediments sensorials in access a cuntegns da la televisiun.

SWISS TXT cussegla il management da Swiss Indoors Basel – ATP WORLD TOUR 500 en dumondas che pertutgan l'infrastructura digitala ed il marketing da cuntegns d'infurmaziun.

### **Navigatur digital**

SWISS TXT è sa posiziunà da nov per l'entschatta dal 2016 ed ha midà il num da la firma da Schweizerische Teletext AG en SWISS TXT AG. Cun questa midada porscha SWISS TXT orientaziun, cussegliaziuns e soluziuns per medias digitalas e servetschs digitalas. Ultra d'in nova cumparsa visuala è la nova pagina-web swisstxt.ch l'element central da la comunicaziun.

## **SWISS TXT: fatgs e cifras**

- 100% societad affiliada da la SSR
- Biros a Bienna, Turitg, Genevra e Comano
- 155 collavuraturAs (105 unitads da personal)
- Svieuta annuala 2015: CHF 27,58 miu.
- Purschider etablì per medias digitalas, video-streaming ed access services

Sco figlia e center da cumpetenz multimedial da la SSR accumpogna SWISS TXT la Svizra dapi il 1983 sin la via en in avegnir digital pli e pli cumplex – da la cussegliaziun fin a la realisaziun.

## **Contact per ulteriuras infurmaziuns**



Julien Kurt, manader Communication & PR, T +41 32 329 22 12, E [julien.kurt@swisstxt.ch](mailto:julien.kurt@swisstxt.ch)